



Na osnovu člana 9. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj 50/17 i 51/23, Općinski načelnik objavljuje da poništava dio Javnog oglasa za izbor i imenovanje predsjednika i članova upravnog i nadzornog odbora javne ustanove Centar kulture i mladih Općine Centar Sarajevo objavljenog dana 19.01.2024. godine u dnevnim novinama „Avaz“ i Službenim novinama Federacije BiH, a u dijelu koji se odnosi na upražnjene pozicije: predsjednik i članovi Nadzornog odbora JU Centar kulture i mladih Općine Centar Sarajevo. Javni oglas se poništava zbog nedovoljnog broja dostavljenih prijava na navedene pozicije.

Istovremeno

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/23, 34/03 i 65/13), člana 13. Odluke o promjeni oblika organizovanja Javnog preduzeća „Centar za sport i rekreaciju“ Sarajevo u Javnu ustanovu- prečišćeni tekst („Službene novine Kantona Sarajevo“ 21/18), člana 12. Odluke o osnivanju Javne ustanove Centar kulture i mladih Općine Centar Sarajevo („Službene novine Kantona Sarajevo“, broj 45/17, 6/18 i 42/22) i člana 8. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj 50/17 i 51/23) i Općinski načelnik raspisuje:

JAVNI OGLAS
za izbor i imenovanje Predsjednika i članova Nadzornog odbora Javne ustanove Centar kulture i mladih Općine Centar Sarajevo i Predsjednika Nadzornog odbora Javne ustanove „Centar za sport i rekreaciju“ Sarajevo

1. NADZORNI ODBOR JAVNE USTANOVE CENTAR KULTURE I MLADIH OPĆINE CENTAR SARAJEVO

- jedan član – predstavnik zaposlenika Ustanove,
- dva člana – predstavnici osnivača Ustanove (predsjednik i član)

Mandat predsjednika i članova Nadzornog odbora JU Centar kulture i mladih Općine Centar Sarajevo je četiri godine uz mogućnost jednog reizbora.

2. NADZORNI ODBOR JAVNE USTANOVE CENTAR ZA SPORT I REKREACIJU SARAJEVO

- jedan član – predstavnik osnivača Ustanove (predsjednik)

Mandat Predsjednika Nadzornog odbora JU Centar za sport i rekreaciju traje do isteka mandata već imenovanih članova, odnosno do 20.7.2025. godine.

Mjesečna naknada za rad članova nadzornog odbora utvrđuje se posebnom odlukom Vijeća.

OPIS POZICIJA:

- **Nadzorni odbor** analizira izvještaje o poslovanju ustanove, u obavljanju nadzora nad upotrebom sredstava za rad pregleda godišnjih izvještaja o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, upravni odbor i direktora o rezultatima nadzora.

OPĆI USLOVI:

- da je stariji od 18 godina;
- da je državljanin Bosne i Hercegovine;
- da nije otpušten iz radnog odnosa kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u javnom oglasu;
- da se na tog kandidata ne odnosi član IX. tačka 1. Ustava Bosne i Hercegovine;
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", broj: 16/02,12/04);
- da nije zaposlen na drugoj izbornoj poziciji u reguliranom organu, koja može uticati na eventualni sukob interesa.

POSEBNI USLOVI:

- da posjeduje najmanje visoku stručnu spremu (VII stepen), odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem Bakalaureat/Bachelor (180 ECTS bodova);
- da ima najmanje tri godina radnog iskustva (za poziciju 1. poželjno iz oblasti kulture, a za poziciju 2. iz oblasti sporta);
- da nije direktor Ustanove za čiji organ se kandiduje;
- da nema privatni finansijski interes u javnoj ustanovi u čiji se nadzorni odbor imenuje;
- da nije općinski vijećnik/ca u mandatu;
- da nije bliski srodnik u smislu sukoba interesa sa bilo kojim članom ili zaposlenikom u Ustanovi za čiji organ se kandiduje;
- da nije osuđivan za krivično djelo koje je nespojivo sa obavljanjem dužnosti predsjednika i člana nadzornog odbora javne ustanove;
- da nije osuđivan za prekršaj koji je nespojiv sa obavljanjem dužnosti predsjednika i člana nadzornog odbora javne ustanove.

POTREBNA DOKUMENTACIJA:

- Potpisan obrazac prijave na Javni oglas
- Uvjerenje o državljanstvu ne starije od šest mjeseci;
- Diploma o završenoj visokoj stručnoj spremi;
- Dokaz o radnom iskustvu (uvjerenje, potvrda potpisana i ovjerena od poslodavca ili uvjerenje o radnom stažu od FZ PIO/MIO);
- Uvjerenje da se protiv lica ne vodi krivični postupak – ne starije od tri mjeseca*;
- Obrazac za pitanja o sukobu interesa;
- Izjava;
(kopije dokumenata moraju biti ovjerene).

*Kandidat **nije u obavezi** uz prijavu dostaviti Uvjerenje. Dokaze o ispunjavanju navedenih uslova, za najuspješnije kandidate, pribavlja služba nadležna za poslove iz oblasti kulture i sporta, a u skladu sa pravilima krivičnog i prekršajnog postupka, nakon zahtjeva Komisije za izbor.

Izjavu, Obrazac prijave za člana Nadzornog odbora, Obrazac za pitanja o sukobu interesa mogu se lično preuzeti na Info-pultu u Općini Centar Sarajevo ili sa WEB-stranice Općine: www.centar.ba

Dokumentaciju dostaviti lično ili poslati preporučeno poštom na adresu:

Općina Centar Sarajevo Mis Irbina broj 1.

Služba za obrazovanje, društvene djelatnosti, kulturu i sport

sa naznakom- „**Prijava na Javni oglas za izbor i imenovanje Predsjednika i članova Nadzornog odbora Javne Ustanove Centar kulture i mladih Općine Centar Sarajevo, odnosno „Prijava na Javni oglas za izbor i imenovanje Predsjednika Nadzornog odbora Javne Ustanove Centar za sport i rekreaciju Sarajevo“- ne otvarati**“

Krajnji rok za podnošenje Prijava je 15 dana od dana objavljivanja Javnog oglasa.

Neblagovremene prijave i nepotpuna dokumentacija neće se uzeti u razmatranje.

Izrada: Nafa Kadić

Kontrola: Jasmina Fazlić

Saglasna: Lejla Dizdarević

OPĆINSKI NAČELNIK

Srđan Mandić